



**SANCTI|| IOANNIS|| DAMASCENI OPERA,||**

**Johannes <Damascenus>**

**Parisiis, 1577**

De discipulis: & quòd eos studiosè ac diligenter ad disciplinas accedere oporteat, nec doctrinæ laborem defugere, sed percontari, ac discere ab iis qui norunt. cap. xciiii.

---

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)



tia coniunctum.

*Albana.* • Eum, qui continentia studet, turbas fugere conuenit, ut & mentem ab omni distractione liberam, & pectus ab omni perturbatione purum habeat. Siquidem in turbis ingens est perturbatio.

*Clement.* Non dormientium & ignauorum Dei regnum est: sed violenti rapiunt illud. Etenim hoc unum violentia genus laude dignum est, nempe Deo vim afferre, atque ab eo vitam extorquere. Ipse autem cum se à quibusdam arcte, vel potius violenter stringi uideret, dat manus, ac cedit. Gaudet enim ad hunc modum uinci.

*Nili.* • Num enim athleta uestibus induti certant? Nudos eos in arenam lex palaestra ducit, siue aestus sit, siue frigus. Quod si quis eorum corporis denudationem detrectet, eadem quoque opera certamen detrectat.

Nudus fugiet in die illa. Ob eamque causam Proverbiorum author ad aliptam dicebat, Deme ipsi uestimentum: transit enim, hoc est, in arenam descendit. Nudum porro luctari oportet. Imò uerò non nudum duntaxat, sed etiam unctum. Etenim nuditas quidem hoc praestat, ut aduersarius pugilem contrectare nequeat: oleum autem id efficit, ut etiam si fortasseprehendatur, tamen ex hac prehensione elabatur. Eoque fit, ut athleta aduersarios terra conspergere studeant: ut olei lauitatem puluere asperantes, facilius eosprehendere queant.

*Philonis.* Vir probus paucis rebus indiget, ut qui in immortalis & mortalis naturae medicullio sit. Etenim ob corpus mortale, hoc habet ut egeat: ut autem non multis egeat, ob animum immortalitatis cupiditate flagrantem.

De discipulis: • Quod eos studiosè ac diligenter ad disciplinas accedere oporteat, nec doctrinae laborem defugere, sed percunctari, ac discere ab ijs qui norunt.

CAP. XCIIII.

*Deut. 32.*

INTERROGA patres tuos, & dicent tibi: maiores tuos, & annuntiabunt tibi.

*Prov.*

8.

4

Fili, non te apprehendat consilium malum, aut relinques doctrinam iuuentutis. Stulto interroganti sapientiam, sapientia reputabitur. Accipite disciplinam meam, & non pecuniam: doctrinam magis quam aurum eligit. Posside sapientiam, posside prudentiam: arripe illam, & exaltabit te.

*Eclli. 6.*

dabit capiti tuo augmenta gratiarum. Fili, da disciplinae cor tuum.

Fili, à iuuentute excipe doctrinam, & usque ad canos inuenies sapientiam. Quasi is qui arat, & qui seminat, accede ad eam, & sustine bonos fructus illius. In opere enim ipsius exiguum laborabis, & citò edes de generationibus illius. Quàm aspera est nimium sapientia indoctis hominibus, & non permanebit in illa excors. Inuestiga illam, & manifestabitur tibi: & ea potius ne derelinquas eam. In nouissimis enim inuenies requiem in ea: & conuertetur tibi in oblectationem. Et erunt tibi compedes eius in protectionem fortitudinis, & bases virtutis, & torques illius in stolam gloriae. Decor enim uitae est in illa. Fili, si attende-  
ris mihi, disces: & si accommodaueris animum tuum, sapiens eris.

*Phil.*

Querere ac percunctari, res est ad comparandam doctrinam maximè frugifera.

Qui scientiae fame ac siti afficitur, atque ea, quae ignorat, discere studet, relictis omnibus alijs curis ad auditionem contendit, ac noctu & diu ad sapientum uirorum fores excubat.

Quod quisquam sciat se nescire, sapientiae est: quemadmodum & quod sciat se iniuste egisse, iustitiae.

De